



Educación
Secretaría de Educación Pública

POTOSÍ
sin límites
GOBIERNO DEL ESTADO 2021-2027



SEGE
SECRETARÍA DE EDUCACIÓN
DE GOBIERNO DEL ESTADO

EVALUACIÓN DIAGNÓSTICA DE LOS APRENDIZAJES

PARA LAS ALUMNAS Y LOS ALUMNOS
DE EDUCACIÓN BÁSICA

CICLO ESCOLAR 2026-2027

EJERCICIOS INTEGRADORES DEL APRENDIZAJE (EIA)

FASE 5



PRIMARIA

Ténele

San Luis Potosí, S.L.P.





DIRECTORIO

LIC. JOSÉ RICARDO GALLARDO CARDONA

GOBERNADOR CONSTITUCIONAL DEL ESTADO DE SAN LUIS POTOSÍ

LIC. DEYSI MARIBEL LÓPEZ SIERRA

SECRETARIA DE EDUCACIÓN

MTRO. JOSÉ GERARDO PERDOMO QUINTERO

DIRECTOR DE PLANEACIÓN Y EVALUACIÓN

MTRA. MARTHA ALAIDE RAMOS DÍAZ

DIRECTORA DE ADMINISTRACIÓN

LIC. JULIO CÉSAR MEDINA SAAVEDRA

DIRECTOR DE EDUCACIÓN BÁSICA

MTRO. ARMANDO MORALES MARTÍNEZ

DIRECTOR DE EDUCACIÓN INDÍGENA, BILINGÜE E INTERCULTURAL

PROF. MARTÍN RODRÍGUEZ RAMÍREZ

DIRECTOR GENERAL DEL SISTEMA EDUCATIVO ESTATAL REGULAR (SEER)

DCSH. SANDRA LUZ LÓPEZ RODRÍGUEZ

COORDINADORA DE EVALUACIÓN Y SEGUIMIENTO

COMISIÓN DE TRADUCCIÓN:

Mtra. Silvia Gerónimo Vázquez

Jefa del Departamento de Educación Primaria Indígena y Coord. Gral. de Traducción

Prof. Rigoberto Martínez García

Director del Instituto Estatal de las Lenguas Indígenas e Investigaciones Pedagógicas

Téneq

Mtra. Sitlalxochitl Rubio Sotero

Náhuatl

Mtra. Catalina Hernández Félix y Rigoberto Martínez García

Xi'iuy Norte

Angélica Morales Hernández

Xi'iuy Sur

María Josefa Hernández de la Cruz

MESA DE APOYO PEDAGÓGICO: capacitacion.evalua@seslp.gob.mx

MESA DE APOYO TÉCNICO: informatica.evalua@seslp.gob.mx

Coordinación de Evaluación y Seguimiento

Tel. (444) 499 8000 Ext. 8147

evalua@seslp.gob.mx

San Luis Potosí, S.L.P.



Lejbaxtaláb xi in t'ajal ti kwentaj xi in ejtowchik an exobalchik ti exobintaláb xi yejental

K'ij 5. Bó'chil ani akak'chil tsapik an k'a'al exobintaláb

EIA-01. Jawa' i k'apal játs I éy

Kidhat bij: _____

Ju'taj ti ajidh: _____ Tamub: _____ ts'ik'ach O kwitol O

iNenék! Axé' xi t'ajnel in aliyal ki exla' janey in exobnamal an ts'ik'achik ani kwitolchik ejt'il tatá', ti in ts'ikintal an ajidh k'ij exobal.

An tok'tsintal xi ka bina' ne'éts ka eyan abal an exobchixchik ki in ko'oy I tsalap jawa' játs xi a ejtow ti jún tamub xi a watba'its ani jant'idha' in ejtowal ti tolmiy abal ka ayná an ejtowantaláb.

Tu kaniyal abal ka t'aja' an tsaplab, ka tsalpay an tok'tsixtaláb xi ne'éts ka bina' ani ka t'aja' tekedh.

Jant'idha' ne'éts ka t'aja':

1. Ka ajiy k'ayum an konowixtaláb ani an exobintaláb xi u kwajbab.
2. Ka dhucha' kal a kwet tsalapil an tok'tsixtaláb, an ajidh yanel ani an walek xi konodh ju'taj in tomnal.
3. Máx a yejenchale' I jolataláb ju'taj ki dhuchmáts a ejtowal ka eyendha' an junkudh úw xi a k'al o ka konoy an walkadh úw.
4. Ka ko'oy ta k'ubak an k'itsoxtal ani an pat'al xi in kadhal in chum. A ejtowal jaye' ka eyendha' an k'itsoxtal xi majudh abal an walek ani pulchik I dhuchaláb.
5. Máx yáb a ejtiyal jun jant'o' ka dhaya' a k'ubak abal ka utey an exobchix ani ti tolmiy.
6. Máx yab a ejtowal ka tok'tsiy jún I konoxtaláb, ka jila' jún we' ani ka ayna' an tok'tsixtaláb. Ki wichiyl talbel ani ka tok'tsiy.
7. A kidhbayíts, ka dhaya' a k'ubak abal ka utey an exobchix abal ki in dhaya' an junkudh t'ajnel.

Jawa' i k'apal játs I éy

Na Andrey ani na Alejandra in t'ajamal ti kwental abal an ts'ik'achik ani kwitolchik xi pel in junkuwal exobal in k'apal I k'apnel xi yáb t'ekedh in alwa'. Walam u wat'el jaye' antsa'ana' ti atáj exobintaláb ju'taj u exobal. Jajá'chik ne'éts ki aliy jant'idha' ki t'ajaichik abal ki in k'apuwchik I tek'edh k'apnel ani ki in beletna' in junkunel exobintaláb. iwana' ki tolmiy!

1. ka ajay an dhuchláb ani talbel ka tok'tsiy xi i konchab.

Tek'edh k'aputaláb

An ts'ik'achik ani kwitolchik kwa'ál tek'edh ka k'apúts abal ka yejeý ani ka tsalpaxin alwa'. Ani jaye' Kwa'ál ki in exobna' jant'idha' ki in takuy an k'apnel ani ki in ejtow ka k'apúts jant'idha' in tomnal.

Tokot, abal ti atáj exobintaláb játs ju'taj in k'apalchik I k'apnel xi yáb u tomiyáb ka yejeý xi exladh ti "kidhap k'apnel". An ts'ik'achik ani kwitolchik ets'ey in uts'al ani in k'apal i k'apnel xi lej tsi'ik, it'ix ki in uts'achik naptal já' o i tekedh k'apnel. An "kidhap k'apnel" in jalk'uyamal abal ka k'apat an alwa' k'apnel ejtíl I waliláb ani akwal k'apnel.



Ka k'apuwat i k'apnel xi lej k'anadh o tsi'ik in t'ajal abal ka t'u'ún in iniktál ani ka ya'undhanchat in ichich o in xits'al (ts'i'iktal ya'uláts). Anijaye', an buk'udhtaláb kal an k'apnel ani uts'nel in t'ajal abal ka k'apat I k'apnel xi yáb in binal i alwa' ts'apláb xi in jalk'uyal an k'apuwat xi t'ayadh.

Mani jún i t'ayadh k'apnel in kwa'ál k'adhpidh in tsi'ik, k'anal o lej at'midh ejtíl an k'apúts xi ts'ejkadh. Jaxtam, ti in ál an atáj exobintaláb kwa'ál expidh ka binan i alwa' k'apnel.

Ka t'ila' abal ka ko'oy i tekedh k'apúts ani alwa' kwa'ál ka ayna':

- A k'apuwat kwa'ál ki in ik'na' 3 I kubel I k'apnel: akuwal ani waliláb, ichláb ani ibláb, pilchik in alwa' i tsanakw ani in t'u'ul i k'onelchik.
- Ka k'apuw in yanel xi yejental ti júnchik i kubel i k'apnel.
- ka tok'obedha' an k'apnel tam ka tek'dha'
- ka k'apuw jant'idha' in tomnal in puwel a iniktal, tamúb ani tal yanel an t'ajnel xi a t'ajal.
- Ka t'aia' ti kwentai iawa' a kulbetnal ani iant'idha' iáts in k'apuwat a bichowíl.

Kadhame: exobchidh k'apnel ani wiwk'aladh a iniktal.

- a) Talbel ka ajiy an dhuchláb ka dhucha' 3 I t'ajnel xi in t'ajal abal yáb ka wa'tsin I alwa' k'apúts ti atáj exobintaláb.

1. _____

2. _____

3. _____

c1a1

☐

- b) Na Alejandra in le' abal ti atáj exobintaláb ka k'apuwat i alwa' k'apnel. Ka t'aja' ti kwentaj an odhnadhtaláb abal yáb ka wa'tsin I alwa' k'apúts xi a dhucha' ok'ox ani xowe' ka olchij 3 i tsalap jawa' ki in tolmiy ki in t'aja' I t'ajbilab abal ka ayna'.

1. _____

2. _____

3. _____

c1b1


☐

c1b2

☐

An exobchix xi in exobchiyal na Andrey ani Alejandra in ucha'chik abal lej yejental ki kwet t'aya' I k'apuwal ti in kwenchalil, ti in k'ima' ani ti atáj exobintaláb. Na Alejandra in uluw abal in exlal jún I ja'ubláb xi in kwa'ál "aleláb Maya" ti in k'ima' ju'taj in kwa'alchik I t'aynel ani té'chik kal I waliláb. Tal yanel in le'na'chik ka k'ale' ki in tsa'biy.

2. ka ajay ani ka tsalpay an walek t'ilap, talbel ka tok'tsiy an konowixtaláb xi tal ti xi jún an úw.



- a) ¿jawa' játs an alwa'taláb xi in binal I aleláb maya abal ka k'aputs an ja'úbláb ani kwencialáb?

c2a1

☐

- b) An t'ajnel xi u aynab ti jún I aleláb maya, ¿in beletnal o in odhnal an xe'tsintaláb?

c2b1

☐

- c) ¿jant'idha' I ejtowal ki jeldha' ani ki k'apuw an k'apúts ti atáj exobintaláb o ta k'ima' xi yáb ki in odhna' an xe'tsintaláb? Ka olna' jún I tsalap abal jant'idha' I ejtowal ki t'aja'.

c2c1

☐

3. Na Andrey in aliy jant'idha' ki in tek'dha' I k'apúts xi in ejtowal ki in alwa'medha' I k'apuwal ani in ela' jún xi in olnal jant'idha' ki ts'eja' I k'apnel xi nedhal i to'ól. Ka t'aja' ti kwentaj an dhuchláb xi in olnal janey a yejejchal ani ka tolmiy na Andrey ani na Alejandra ki tok'tsiy an konoxtaláb xi tal talbel.

K'apnel xi in nedhal I to'ól

Yejenchixtaláb abal jún i atiklab:

- ¼ I talab I pepino mu'udh (37 g)
- ½ I talab I tudhey mu'udh (87 g)
- ¼ I talab I xumnakat mu'udh (34 g)
- 1 pejach I ój (15 g)
- ¼ I to'ól xi ts'aidh ka tixk'anchi' in ja'líl (45 g)
- 2 I chu'chum
- We' I kulanto'
- 1 I waliláb mu'udh
- In ja'líl I lemon xi ka alwatna'



Olchixtaláb an alwa'taláb xi in pidhal jún i atiklab: 226 Kcal.

- a) Na Andrey ani na Alejandra in le'chik ki in ts'eka' an k'apnel xi nedhal I to'ól abal 28 I kwitolchik ani ts'ik'achik xi pel in juntal exobal. ¿jay in yanel in yejenchalchik ki in tamkuy I pepino, tudhey, xumnakat, ój ani to'ól?

Ka dhucha' ti ts'ejkanel an ajidh tamkuntaláb xi ka ts'ejka' abal ka tso'obna' in yanel.

Pepino	Tudhey	Xumnakat	Ój	To'ól

- b) Abal ki in kidhbay an ajib ti atáj exobintaláb, an kwitolchik ani ts'ik'achik ne'éts ki in ts'ejkachik an k'apnel xi nedhal I to'ól abal 134 in yanel I exobal. Xowé' ¿jay in yanel I yejenchalchik ki in tamkuy abal ki in ts'ejka'chik?

Ka dhucha' ti ts'ejkanel an ajidh tamkuntaláb xi ka ts'ejka' abal ka tso'obna' in yanel.

Pepino	Tudhey	Xumnakat	Ój	To'ól

4. na Andrey, na Alejandra ani in juntal exobal in le' ki ayna'chik jún i t'ajnel abal ki in alwa'medha' an k'apúts xi in bats'uwal an ts'ík'achik ani kwitolchik ti atáj exobintaláb, ejtil: ki in junkuw I dhuchadh k'apnel o ki in t'ejk'achik jún I aleláb ti atáj exobintaláb.

a) Ka dhucha', jant'idha' kwa'ál ki in ayna' ani kidhat an tsalap, jant'odha' in ejtawal ki t'aja' an tsalap ti atáj exobintaláb. Ka dhucha' óx' I t'ajnel xi ne'éts ki t'aja'chik k'a'ál ani xi tal bel, ants'ana' jita'chik ne'éts ka tolmixin ani xi ne'éts ki in eyendha'.

1. _____

2. _____

3. _____

c4a1

☐

- b) ¿jale' yejental ka ayna' jant'idha' in tomnal an tsalap xi a olnal abal ka t'ajan?

c4b1

☐

ilej k'ak'namal kal a tolmixtál!



Lejbaxtaláb xi in t'ajal ti kwentaj xi in ejtowchik an exobalchik ti exobintaláb xi yejental

K'ij 5. Bó'chil ani akak'chil tsapik an k'a'al exobintaláb

EIA-02. Ki ayna' jant'idha' ki kubdha' an odhnaxtaláb kal an tsakamchik ani an pojkadhtaláb i éy

Kidhat bij: _____

Ju'taj ti ajidh: _____ Tamub: _____ ts'ik'ach O kwitol O

iNené! Axé' xi t'ajnel in aliyal ki exla' janey in axobnamal an ts'ik'achik ani kwitolchik ejt'il tatá', ti in ts'ikintal an ajidh k'ij exobal.

An tok'tsintal xi ka bina' ne'éts ka eyan abal an exobchixchik ki in ko'oy I tsalap jawa' játs xi a ejtow ti jún tamub xi a watba'its ani jant'idha' in ejtowal ti tolmiy abal ka ayná an ejtowantaláb.

Tu kaniyal abal ka t'aja' an tsapláb, ka tsalpay an tok' tsixtaláb xi ne'éts ka bina' ani ka t'aja' tekedh.

Jant'idha' ne'éts ka t'aja':

1. Ka ajiy k'ayum an konowixtaláb ani an exobintaláb xi u kwajbab.
2. Ka dhucha' kal a kwet tsalapil an tok' tsixtaláb, an ajidh yanel ani an walek xi konodh ju'taj in tomnal.
3. Máx a yejenchale' I jolataláb ju'taj ki dhuchmáts a ejtowal ka eyendha' an junkudh úw xi a k'al o ka konoy an walkadh úw.
4. Ka ko'oy ta k'ubak an k'itsoxtal ani an pat'al xi in kadhal in chum. A ejtowal jaye' ka eyendha' an k'itsoxtal xi majudh abal an walek ani pulchik I dhuchaláb.
5. Máx yáb a ejtiyal jun jant'o' ka dhaya' a k'ubak abal ka utey an exobchix ani ti tolmiy.
6. Máx yab a ejtowal ka tok'tsiy jún I konoxtaláb, ka jila' jún we' ani ka ayna' an tok' tsixtaláb. Ki wichi talbel ani ka tok'tsiy.
7. A kidhbayíts, ka dhaya' a k'ubak abal ka utey an exobchix abal ki in dhaya' an junkudh t'ajnel.

Ki ayna' jant'idha' ki kubdha' an odhnaxtaláb kal an tsakamchik ani an pojkadhtaláb i éy

Na Lupita, na Juan ani na Paquito in t'ajamalchik ti kwentaj abal tam u yejel ani u t'ilomchik k'al pilchik i atiklab in bats'uwalchik i áyláb, kwa'álchik ki ejetna' yab ka odhna' ani ki in k'aniy in uchbil. ika ayna'chik ani ka tolmiychik ki in ela'chik jant'idha' ki in luba' an exobintaláb!

1. Ka ajay an pejach t'ilab. Talbel ka t'aja' jawa' I koncháb.



- a) Ka met'a' a iniktal ani ka t'aja' ti kwentaj jant'idha' in alwa' in iniktal a Juan, na Lupita ani a Paquito. ¿jale' yejental ka exla' jawa' xi juniní' ani xi pil in iniktal xi k'eat an atiklab?

c1a1

☐

- b) Na Juan yáb in ejtowal ti belál in eyendhal I tolilíl kút, jáxtam, júnchik I ts'ík'achik ani kwitolchik in it'ixbedhál ani in te'chikal. Kal axé' xi it'ixtaláb ¿máx ka ko'óy jún a ja'úb xi jayetse' in éy ejtil a Juan, janey ne'éts ka t'aja'?

c1b1

☐

- c) Ka tsalpay jant'idha' I jalk'unenék kal an yejeltaláb. Ka dhucha' 3 in alwa' a iniktal tam a kwa'ál bó' I tamub, 3 jant'idha' xowé' I k'wajat ani jant'idha' a tsalpayal ne'éts ka jalk'ún a iniktal tam ka ko'oy jún inik I tamúb. Ka k'otbiy a iniktal ti júnchik an tamúb xi I konchin.

U iniktal tam u ko'óy bó' i tamúb, pelak antsé':	U iniktál xowé', antsé' k'wajat:	Tam ka ko'óy jún inik i tamúb, u iniktal antsé' ne'éts ka k'wajay:
1. _____ _____	1. _____ _____	1. _____ _____
2. _____ _____	2. _____ _____	2. _____ _____
3. _____ _____	3. _____ _____	3. _____ _____
K'otbidh iniktal	K'otbidh iniktal	K'otbidh iniktal

c1c1

c1c2

c1c3

2. Ka ajay ani ka metá' tejé' u tejwa'medhap, tal bel ka tok'tsiy an konowixtaláb.

Ti jún i k'ichaj, ti in k'ima'a Lupita ani a Paquito...

Lupita ka t'aka' an eyextaláb ani talbel ka pedhoy an tek'dhom altáj.

Anits, mím. Ne'éts ku ucha' a Paquito ti in tolmiy.

Ibáts. Ka jila' ka ubatín.

Tam taliy ti pedhól an tek'dhom altáj...

Paquito žti in matinchál a ubat'íl?

Máx tatá' ti in matinchál an ts'ejkadh ts'ík'ach.

Ani talbel

Paquito, žjale' I k'wajat a ubat'nal an ts'ejkadh ts'ík'ach xi in kal a ebchal? Ani tatá', Lupita, žjaney a t'ajal kal in ubat'láb a ebchal?

Expidh k'wajat tu ubat'.

Paquito yáb kwa'al ki ubat'ín kal an ts'ejkadh ts'ík'ach ipél i kwitol! Ani tatá' péI I ts'ík'ach iyáb kwa'al ki ubat'ín kal I muludh ten!

Nukel, ti in tolmiy ku tek'dha' an k'apnel.

ianiye'nej ule' ku tek'dha' an k'apnel!

iibáts! Axé' pel I t'ojláb xi in t'ajal an ts'ík'ach. Tatá' ki k'ale' ti belel kal an Bicicleta.

žjale' ets'ey naná' kwa'al tu tolmiy ani na Paquito ibáts?

Na Lupita in tsalpayalak abal jún jant'o' yáb k'wajat alwa'

a) žjawa' játs an it'ixtaláb xi in tejwa'medhal an t'ilab?

- b) ¿a tsalpayal abal alwa' xi in t'ajal in mím na Lupita ani na Paquito? Ka olna' jale' a tsalpayal ants'ana'.

c2b1

☐

- c) ¿máx tatá' a wat'alak jant'idha' na Lupita ani na Paquito janey ne'éts ka t'aja'? Ka dhucha' ti júnchik an t'ajnel.

Ejtil a Lupita:

Ejtil a Paquito:

c2c1

☐

- d) Ju'ta' i k'wajil ¿jayets'e' in yanel an t'ajnel xi in t'ajalchik an ts'ik'achik ani kwitolchik? Ka dhucha' jale' a tsalpayal ants'ana'.

c2d1

☐

3. Na Juan ani a Lupita in ela'chik jún i junkudh dhuchláb jawa' in t'aja'chik ti kwentaj. Ka ajay an dhuchláb ani ka tok'tsiy an konowixtaláb.

I chudhel dhuchláb

Por Denisse López, 30 abril, 2019

An t'epintaláb máx pel I tsakam ti Labtom

An tsakamchik ti Labtom in tametnal I ts'ejwantaláb, pojxaxtaláb, kwadhaxtaláb ani odhnaxtaláb. 20 millones in k'adhipidh in yanel I ts'ík'achik, kwitolchik ani elel pok'el xi u k'wajil ts'ejwantál, jawa' pel in ts'ejeltal in yanel an tsakamchik xi u k'wajil ti tsabál.



Ti 2017 in yanel 2.5 millones I tsakamchik yábchik k'alel ti atáj exobal, júnake' in yanel 3.2 millones in ko'oychik ka t'ojon, jawa'chik pel an 20% xi in ejtowal ka odhnachik kal an t'ojláb.

Jant'idha' in ulal an Fondo de las Naciones Unidas para la Infancia (UNICEF), expidh 6 ti in yanel a 10 u odhnabchik ti in k'ima' kal i kwadaxtaláb ani k'wiyaxtaláb, jawa' in t'ajal abal ka kwajiy kulbel ani axé in t'ajal abal ki t'aja' jaye' I kwadhaxtaláb ti in k'ima', ti atáj exobintaláb ani kwenchaláb.

Ka alwa'mej an yejeltaláb ani alwa'taláb an ts'ík'achik ani kwitolchik yáb in bajwale', bele' in kwa'álchik I it'ixtaláb ani pojkadhtaláb ti in uchbíl, jant'idha' u beletnab ani ki in bajuw an alwa'ataláb ti wat'enek jún inik I tamúb.

- a) ¿janey i it'ixtaláb bijidh ti dhuchláb ani jawa' játs an pojkadhtaláb xi in t'ajal?

c3a1

c3a2

Ti atáj exobintaláb, an exobchix Lupita in olna' abal wa'áts yan in alwa' I pojxaktaláb xi in bajwal an tsakamchik, ani máx, jajá'chik in tametnal junake', kwa'al ki in aliy jita' ki in tolmíy kom játs in uchbíl an alwa' xe'tsintaláb. Talbel in tejwamedhanchi' I olchix walek.

4. Ka met'a' an olchix walek ani ka tok'tsiy an konowixtaláb xi tal talbel.

A)

An pojxaktaláb játs tam:

- ✗ I witsnal ani a at'ax uchal tam a k'wiyal.
- ✗ A kwadhal abal ki in exbay.
- ✗ A pojkal ani a jik'edhal.

A ukchiyal o yab a t'ajal ti kwentaj xi in yejenchal.

Yáb a met'al, yab t'ajal ti kwentaj o a jilal.

Yab a beletnal tam u ya'úl o yabáts a walkal ka exobláts.

An pojxaktaláb an tsakamchik o k'eat I kwadaxtaláb xi yab in jilal an alwa' yejeltaláb, in katsin ani in iniktal, xi in ejtawal ki in yajna' ti kidhtal in ejatal.

#yabanpojxaktalábantsakamchik

GOBIERNO DEL ESTADO DE MÉXICO | ESTADO DE MÉXICO ¡El poder de servir! | MUJERES SECRETARÍA DE LAS MUJERES

B)

Máx a exlal o a tso'ób abal jún i ts'ik'ach

kwitol ani elel pok'el xi in tametnal an pojkadhtaláb



ika olna!

594 95 83060 | direcciondifsmp1921@gmail.com

Sistema DIF Municipal, calle La Paz, s/n San Martín de las Pirámides

GOBIERNO DEL ESTADO DE MÉXICO | EDOAMÉX | DIF | SMP

C)

DIF Tlalnepantla Integrando Familias 2019-2021

Tlalnepantla nuestra ciudad 2019-2021

Ka olna' yáb ka bina' a bij tam ka wa'tsin i pojxaktaláb kal an ts'ik'ach, kwitol ani elel pok'el

(55) 5366-4500
Ext: 5320 / 5321

Procuraduría Municipal de Protección de Niñas, Niños y Adolescentes



D)

K'eat i pojxaktaláb ba an ts'ik'achik, kwitolchij ani elel pok'el

Pojxaktaláb in iniktal Kwadhxaktaláb

Yáb t'ajadh ti kwentaj
Yab in beletnal mani in ejetnanchal in yejeltal ani alwa'taláb in iniktal ani in katsin.

odhnaxtaláb in éy
tal yanel an odhnaxtaláb xi ka t'ajchin ti in iniktal o in éy jún I ts'ik'ach ani kwitol

abatnadhtaláb an t'ojláb an tsakamchin, ka kuban ani ka odhanchat in éy

jiladhtaláb
jún I ts'ik'ach ani kwitol xi yáb u pidhap ti k'apul, ju'taj ka k'wajiy, ka k'anidha' ani ka exobláts.

Pojkadhtaláb in tsalapil
Ka k'wiyen, ka wits'iyat ani ka pojka'

Jawa'kíts an pojkadhtaláb xi ka t'ajchin an ts'ik'achik, kwitolchij ani elel pok'el in odhnanchal in yejetal, in tsalapil ani in ejatal.

iyab ka odhna', ka beletnanchi' in uchbíl ani in iniktal!

www.sipinna.edomex.gob.mx | SIPINNAedomex

GOBIERNO DEL ESTADO DE MÉXICO | SIPINNA | EDOAMÉX

a) ¿jawa' játs an olnax walek xi in kwa'al an olnaxtaláb xi in ulal an pojkaxtaláb an ts'ík'ach o kwitol? Ka uluw jale' a takuy.

c4a1

☐

b) ¿jawa' játs an olnax walek xi in olnal jant'odha' ka aliy an tolmixtaláb kal an pojkaxtaláb? Ka uluw jale' a takuy.

c4b1

☐

ik'ak'namal yan kal a tolmixtal!

LA EDUCACIÓN COMIENZA EN CASA

► Brinda tiempo de calidad,
comparte lecturas con tu hijo (a)

*¡Leer en casa
también es educar!*

► Impulsemos
la lectura en
nuestros hijos ◀



¡Muchas gracias por tu participación!

La entrega de este cuadernillo es gratuita en apoyo a la economía de las familias potosinas, con inversión del Gobierno del Estado a través de la Secretaría de Educación de Gobierno del Estado.



Educación
Secretaría de Educación Pública

POTOSÍ
sin límites
GOBIERNO DEL ESTADO 2021 • 2027



SEGE
SECRETARÍA DE EDUCACIÓN
DE GOBIERNO DEL ESTADO

